

Pembrokeshire Public Services Board
Bwrdd Gwasanaethau Cyhoeddus Sir Benfro



COFNODION CYFARFOD BWRDD GWASANAETHAU CYHOEDDUS SIR BENFRO
a gynhaliwyd ddydd Mawrth 25 Medi 2018 am 10.00am
yng Nghanolfan Gynadledda Llwynhelyg, Hwlfordd

Yn bresennol:

Tegryn Jones	Prif Weithredwr, Awdurdod Parc Cenedlaethol Arfordir Penfro (Cadeirydd)
Sue Leonard	Prif Swyddog, Cymdeithas Gwasanaethau Gwirfoddol Sir Benfro (Is-gadeirydd)
Andrea Winterton	Rheolwr Gweithrediadau De-orllewin Sir Benfro, Morol a Monitro, Cyfoeth Naturiol Cymru
Anna Bird	Pennaeth Datblygu Partneriaeth Strategol, Bwrdd Iechyd Prifysgol Hywel Dda
Barry Walters	Pennaeth Dros Dro, Coleg Sir Benfro
Natalie Pearson	Pennaeth Ymgysylltu, Llywodraeth Cymru
Jonathan Feild	Rheolwr Cyflogwyr a Phartneriaethau, yr Adran Gwaith a Phensiynau
Dr Steven Jones	Cyfarwyddwr Datblygu, Cyngor Sir Penfro
Yr Uwch-arolygydd	
Ross Evans	Heddlu Dyfed Powys
Bernadine Rees	Cadeirydd, Bwrdd Iechyd Prifysgol Hywel Dda
Jessica Morgan	PLANED
Ros Jervis	Cyfarwyddwr Iechyd y Cyhoedd, Bwrdd Iechyd Prifysgol Hywel Dda
Simon Jenkins	Rheolwr Ardal, Gwasanaeth Tân ac Achub Canolbarth a Gorllewin Cymru
Alec Don	Prif Weithredwr, Porthladd Aberdaugleddau
Dave Evans	Pennaeth Cynorthwyol, Coleg Sir Benfro (gadawodd am 10.40am)
Diane Lockley	Cadeirydd Pwyllgor Ardal Leol Un Llais Cymru
Cris Tomos	Aelod y Cabinet dros yr Amgylchedd a'r Gymraeg

Hefyd yn bresennol:

Claire George	Cydgysylltydd Cymorth Partneriaeth a Chraffu, Cyngor Sir Penfro
Jo Creasey	Cydgysylltydd y Cynllun Llesiant Rhanbarthol

Cymorth/Ysgrifenyddiaeth

Nick Evans	Rheolwr Cymorth Partneriaeth a Chraffu, Cyngor Sir Penfro
Lynne Richards	Cydgysylltydd Cymorth Partneriaeth a Chraffu, Cyngor Sir Penfro

Ymddiheuriadau

Ian Westley	Prif Weithredwr, Cyngor Sir Penfro
Rob Quin	Prif Swyddog Tân Cynorthwyol, Gwasanaeth Tân ac Achub Canolbarth a Gorllewin Cymru

Sarah Jennings	Cyfarwyddwr Partneriaethau a Gwasanaethau Corfforaethol, Bwrdd Iechyd Prifysgol Hywel Dda
Christine Harley	Pennaeth Uned Cyflawni Lleol Dyfed Powys, Y Gwasanaeth Prawf Cenedlaethol
Rowland Rees-Evans	Cadeirydd, Awdurdod Tân ac Achub Canolbarth a Gorllewin Cymru
Y Cyng. David Simpson	Arweinydd, Cyngor Sir Penfro

Cychwynnodd y cyfarfod am 10.05am.

1. Croeso ac Ymddiheuriadau

Gwnaed y cyflwyniadau a chrosawodd y Cadeirydd DL i'w chyfarfod cyntaf. Cafwyd ymddiheuriadau gan y rheiny a restrir uchod.

2. Cofnodion y cyfarfod blaenorol

Gofynnodd CT am gael ei ychwanegu at y rhestr o'r rhai a oedd yn bresennol, ac yn dilyn y diwygiad hwnnw, cytunwyd bod cofnodion y cyfarfod diwethaf a gynhaliwyd ddydd Mawrth 17 Gorffennaf 2018 yn gofnod cywir.

3. Pwyntiau Gweithredu

4 – Diweddariad y Grŵp Eiddo

Nododd SPJ fod cyfarfod wedi cael ei gynnal ym mis Awst i drafod ymhellach y cysyniad o gael Hyb Cymunedol yn Abergwaun. Dywedwyd y byddai cyd-weithwyr y Bwrdd Iechyd yn anfon gwybodaeth am ofynion y gofod erbyn diwedd mis Medi. Nododd BR fod y trafodaethau ynghylch safle Abergwaun yn rhan o drafodaeth ehangach a oedd yn ymwneud â datblygu gweledigaeth helaethach o ran darparu gwasanaethau mewn ffyrdd gwahanol, yn ogystal â meithrin rhagor o gydnerthedd ledled gogledd Sir Benfro. Rhoddodd SPJ sicrwydd fod y drafodaeth ynghylch eiddo yn rhan o ofynion ehangach y cysyniad o hyb. Cytunodd y partneriaid y dylid threfnu is-grŵp i drafod hyn yn fanylach. Cytunodd BR i arwain hyn a sefydlu cyfarfod cychwynnol i bennu hyd a lled y prosiect, a'i gynllunio.

**BR –
cyfeirnod
eitem 7**

4. Diweddariad ar Brosiect y Cynllun Llesiant – Prosiect 1: Y Fframwaith Trawsnewid Recriwtio a Chyflogaeth

Rhoddodd DE yr wybodaeth ddiweddaraf am y trafodaethau cychwynnol yn dilyn cyfarfod a gynhaliwyd ddiwedd mis Gorffennaf i drafod datblygu cynllun prosiect. Yn dilyn y cyfarfod hwn, roedd data ynghylch niferoedd y gweithwyr wedi cael eu casglu gan y rhan fwyaf o bartneriaid y Bwrdd Gwasanaethau Cyhoeddus, ac amcangyfrif nifer y rolau gwarchoddedig yn y sefydliadau (e.e. athrawon, nyrsys). Ar sail hyn, roedd ffigurau o ran y galw am leoliadau profiad gwaith yn Sir Benfro wedi cael eu nodi a'u rhannu, a hynny yn ôl grwpiau oedran a statws cyflogaeth. Gan ddefnyddio'r wybodaeth hon, roedd amcangyfrif pellach o'r galw am gyfanswm nifer y diwrnodau gwaith a oedd yn ofynnol wedi cael ei ddatblygu, a oedd yn dangos bod 2% o'r oriau gwaith a oedd ar gael gan aelod-sefydliadau'r Bwrdd Gwasanaethau Cyhoeddus yn angenrheidiol i gyflawni gofynion o ran lleoliadau/treialon neu brofiad gwaith. Amlygwyd yn benodol

bwysigrwydd profiad gwaith i bobl ifanc o ran rhoi hwb iddynt a darparu'r sgiliau a'r profiad y mae arnynt eu hangen ar gyfer y gweithle.

Amlinellodd DE hefyd fformat Diwrnod Gyrfaoedd blynyddol Coleg Sir Benfro a gynhaliwyd ym mis Ionawr. Byddai'r Diwrnod Gyrfaoedd nesaf yn cael ei gynnal ar 22 Ionawr 2019, a gofynnodd am gymorth gan bartneriaid y Bwrdd Gwasanaethau Cyhoeddus nad oeddent eisoes yn ei fynychu'n rheolaidd.

Trafodwyd y cynnig yn gryno. Nododd AD bwysigrwydd sicrhau bod y broses o drefnu profiad gwaith yn un mor anfiwrocraataidd â phosibl a'i bod yn ystyried y defnydd o lefelau gwahanol o brofiad gwaith, er enghraifft rhwng tri diwrnod a chwe mis, gyda thaliad ar gyfer cynlluniau hwy. Awgrymodd CT hefyd y gellid ystyried bancio amser yn rhan o'r cynllun. Rhoddodd partneriaid y Bwrdd Gwasanaethau Cyhoeddus gefnogaeth i'r prosiect mewn egwyddor, gan nodi'r angen am ragor o waith, yn cynnwys:

- Diffinio 'lleoliad' – yr hyn a olygid gan hyn, amrywiad o ran pa mor hir y gallai bara, ac ati.
- Ymgysylltu â phobl ifanc i bennu'r hyn yr oedd arnynt eu hangen o'r lleoliadau
- Sicrhau bod dadansoddiad o'r modd y mae lleoliadau yn effeithio ar bobl ifanc, a'r sefydliadau ehangach y cânt eu lleoli ynddynt, yn cael ei ddatblygu yn rhan o'r prosiect.

Cytunodd JF i arwain y gwaith o gysylltu â staff Adnoddau Dynol sefydliadau'r Bwrdd Gwasanaethau Cyhoeddus er mwyn pennu eu prosesau cyfredol o ran cynnig profiad gwaith a chynnal gwiriadau DBS, ac ati. Nodwyd y byddai diweddariad pellach yn cael ei gyflwyno yn y cyfarfod dilynol.

DE/JF

5. Llythyr gan Gomisiynydd Cenedlaethau'r Dyfodol a'r Comisiynydd Plant

Eglurodd NE fod llythyr wedi dod i law gan Gomisiynydd Cenedlaethau'r Dyfodol a'r Comisiynydd Plant a oedd yn nodi eu diddordeb mewn dysgu am drefniadau'r Bwrdd Gwasanaethau Cyhoeddus o ran sicrhau bod ei waith yn gydnaws â'r Bwrdd Partneriaeth Rhanbarthol, yn ogystal â chanfod pa mor effeithiol yr oedd y trefniadau hyn o ran bodloni gofynion statudol Deddf Llesiant Cenedlaethau'r Dyfodol a'r Ddeddf Gwasanaethau Cymdeithasol a Llesiant, yn ein barn ni.

Nododd NE ei fod wedi trafod y llythyr hwn â Martyn Palfreman, y Pennaeth Cydweithredu Rhanbarthol, a chyd-weithwyr y Byrddau Gwasanaethau Cyhoeddus yng Ngheredigion a Sir Gaerfyrddin, a bod ystyriaeth yn cael ei rhoi i'r opsiwn o sefydlu grŵp rhanbarthol o swyddogion y Byrddau Gwasanaethau Cyhoeddus/Byrddau Partneriaeth Rhanbarthol.

Nododd RJ fod angen bod yn fwy craff wrth gydnabod y gofyniad i wella'r ddeialog rhwng y Byrddau Partneriaeth Rhanbarthol a'r Byrddau Gwasanaethau Cyhoeddus, a bod yna werth ychwanegol i sicrhau deialog barhaus wrth drafod yr un ardal a phoblogaeth. Nododd SL hefyd fod yna orgyffwrdd amlwg rhwng ymgysylltu â dinasyddion a gweithio gyda chymunedau, a bod holl gynlluniau llesiant y rhanbarth yn cynnwys yr un ffocws cymunedol. Nodwyd rhywfaint o'r gwaith da a oedd wedi deillio o sicrhau cydnawsedd rhwng y Bwrdd Gwasanaethau Cyhoeddus a'r Bwrdd Partneriaeth Rhanbarthol yn ystod y gwaith o Asesu Llesiant/Asesu'r Boblogaeth a Chynllunio Llesiant.

Dyweddodd RJ y gallai fod yna gyfle i fanteisio ar rywfaint o adnoddau trawsnewid gan y Bwrdd Partneriaeth Rhanbarthol i gefnogi'r gwaith o gyflawni elfennau cymunedol y cynlluniau llesiant. Nododd hefyd ei bod wedi datblygu diagram a oedd yn dangos y penderfynyddion ehangach o ran iechyd, ynghyd â'r cysylltiadau rhwng y gwaith o gefnogi llesiant a oedd yn cael ei wneud mewn amrywiaeth o sefydliadau. Nodwyd y byddai hyn yn cael ei ddsbarthu i'r partneriaid er gwybodaeth.

RJ

Nodwyd y byddai NE yn siarad â chyd-weithwyr ynglŷn â chydgyssylltu ymateb rhanbarthol i'r Comisiynwyr. Awgrymwyd hefyd y dylid ychwanegu cofnodion y Bwrdd Partneriaeth Rhanbarthol at agendâu'r Bwrdd Gwasanaethau Cyhoeddus yn y dyfodol, a hynny fel eitem sefydlog er gwybodaeth, ac y dylid gwahodd Martyn Palfreman i'r cyfarfod dilynol er mwyn rhoi'r wybodaeth ddiweddaraf am agenda'r Bwrdd Partneriaeth Rhanbarthol a'r gronfa drawsnewid.

NE

6. Y System Wybodaeth Ddigidol

Nododd NE fod yr adroddiad a ddsbarthwyd yn ddiweddariad ar y gwaith a wnaed hyd hynny o ran datblygu system wybodaeth ddigidol ranbarthol, ac amlinellodd nifer o opsiynau yr oedd angen gwneud gwaith manylach yn eu cylch.

Trafododd y partneriaid yr adroddiad a nododd RJ fod yna gynlluniau ar y gweill i ddatblygu system debyg o dan ARCH, sef y cydweithrediad rhanbarthol ar gyfer iechyd yn Ne-orllewin Cymru. Roedd y prosiect yn ystyried datblygu system i drawsnewid data yn wybodaeth er mwyn gwella arferion gweithio, ynghyd â gwella canlyniadau i ddinasyddion. Roedd yna bosibilrwydd y gellid sicrhau cyfranogiad ehangach gan Brifysgol Abertawe, a hynny o dan faner prosiect ARCH. Awgrymodd NP hefyd y dylid cysylltu â Karen Fullerton, sef arweinydd digidol Llywodraeth Cymru. Cynigiodd AD hefyd gymorth gan Borthladd Aberdaugleddau.

Cefnogodd y Bwrdd Gwasanaethau Cyhoeddus yr argymhelliad y dylid gwneud gwaith datblygu pellach mewn perthynas â'r system wybodaeth ddigidol er mwyn sicrhau y gellid ymchwilio'n fanylach i'r cyfleoedd cyllido posibl, yn ogystal â'r potensial am ragor o gydweithredu rhanbarthol. Cytunodd y Bwrdd Partneriaeth Rhanbarthol i gael diweddariad pellach maes o law.

7. Cynllunio a Phennu Hyd a Lled y Prosiect

Prosiect 4 – Gwneud Pethau yn Wahanol

Yn dilyn trafodaethau cynharach o dan eitem 3, cytunwyd bod y cynnig hwn yn cyd-fynd yn dda â'r canlyniad lefel uchel ar gyfer Prosiect 4 o ran Gwneud Pethau yn Wahanol. Cadarnhawyd y byddai BR a chyd-weithwyr o'r maes lechyd yn arwain y gwaith hwn ac yn darparu nodyn briffio ar gyfer y cyfarfod dilynol, a fyddai'n nodi hyd a lled y prosiect a'r cynigion ar gyfer symud y gwaith yn ei flaen er mwyn i'r Bwrdd Gwasanaethau Cyhoeddus ei ystyried.

BR

Prosiect 5 – Dathlu'r Awyr Agored

Rhoddodd NE drosolwg o'r hyn y cytunwyd arno yn y Cynllun Llesiant ar gyfer y prosiect hwn.

Nododd RJ fod Ceredigion a Sir Gaerfyrddin wedi sefydlu is-grwpiau i ystyried atebion cymdeithasol a gwyrdd ar gyfer iechyd, a bod yna gynllun ar y gweill i sefydlu grŵp arall ledled ardaloedd y tri Bwrdd Gwasanaethau Cyhoeddus, y byddai RJ yn ei gadeirio, gan ddechrau ym mis Ionawr 2019. Byddai'r cynnig hwn yn cael ei drafod ymhellach ag aelodau'r Byrddau Gwasanaethau Cyhoeddus yng Ngheredigion a Sir Gaerfyrddin. Yn amodol ar y trafodaethau hyn, byddai cynrychiolwyr priodol o'r Byrddau Gwasanaethau Cyhoeddus yn cael eu gwahodd i ymuno â'r is-grŵp, fel y bo hynny'n briodol.

RJ

Nododd AW ei bod wedi cydweithio â'r Bwrdd Iechyd mewn perthynas â hyn a bod yna bosibilrwydd o ddenu cyllid i gefnogi prosiect rhanbarthol. Mynegwyd pryder bod y prosiect wedi'i anelu at faterion eraill heblaw materion Iechyd, ond rhoddodd RJ sicrwydd i'r partneriaid fod gwaith eisoes yn cael ei wneud yng Ngheredigion i archwilio meysydd eraill heblaw Iechyd. Nodwyd bod yna nifer o asedau y gellid eu defnyddio i gefnogi'r gwaith hwn, gan gynnwys prosiect Seilwaith Gwyrdd Sir Benfro (byddai dolen i'r cynllun gweithredu yn cael ei dosbarthu), yn ogystal â'r gwaith a oedd yn cael ei wneud gan Rwydwaith Ysgolion Awyr Agored Sir Benfro.

LR

Dyweddodd NE wrth y partneriaid ei fod wedi cysylltu â Liz Western o Iechyd Cyhoeddus Cymru, a hynny ar ran y Rhwydwaith gan fod yr aelodau yn awyddus i weithio gyda'r Bwrdd Gwasanaethau Cyhoeddus i roi rhywfaint o weithgareddau'r prosiect hwn ar waith. Dywedodd NE y byddai'n cwrdd â LW i drafod y cyfle hwn yn fanylach.

NE

8. Diweddariad ar Brosiect y Cynllun Llesiant

Prosiect 2 – Asesiad Risg o ran yr Amgylchedd a Newid yn yr Hinsawdd

Rhoddodd AW yr wybodaeth ddiweddaraf am y trafodaethau a gynhaliwyd ynghylch pennu cwmpas y gwaith o gyflawni'r prosiect a'r cynigion i sefydlu grŵp prosiect, yn ogystal â defnyddio'r fethodoleg a bennwyd gan Cyfoeth Naturiol Cymru i gynnal Asesiad Risg o ran yr Hinsawdd.

Yn dilyn trafodaeth fer, cytunwyd ar y cylch gorchwyl a'r fethodoleg ar gyfer cynnal asesiad risg o ran yr hinsawdd. Enwebwyd AW yn Gadeirydd y grŵp prosiect, a nodwyd y byddai CT yn dod yn Is-gadeirydd. Dywedwyd y byddai aelodau'r Bwrdd Gwasanaethau Cyhoeddus yn dewis y cynrychiolwyr mwyaf priodol o'u sefydliadau i fod yn rhan o'r grŵp prosiect hwn, ac yn cyflwyno'r wybodaeth honno i CG.

PAWB/
CG

Prosiectau 6, 7 ac 8 – Prosiectau cymunedol

Rhoddodd JM yr wybodaeth ddiweddaraf am ei rôl yn rhan o Banel Adolygu Annibynnol Llywodraeth Cymru, a oedd yn ystyried rôl a swyddogaethau Cynghorau Tref a Chymuned. Rhoddodd SL hefyd yr wybodaeth ddiweddaraf i'r partneriaid am elfen wirfoddoli'r prosiectau. Nodwyd y byddai dogfennau polisi mewn perthynas â hyn yn cael eu dosbarthu er gwybodaeth (Gwirfoddoli a Gwasanaethau Cyhoeddus yng Nghymru a Pholisi Gwirfoddoli Llywodraeth Cymru).

SL

Cafwyd cyflwyniadau dilynol gan Karen Scott o PLANED ynghylch rôl Cydgysylltwyr Cydnerthedd a Llesiant Cymunedol, yn ogystal â chyflwyniad gan Matt Townsend, Cydgysylltydd Cydnerthedd a Llesiant Cymunedol, ynghylch ei waith gydag Ysgol Hook ac ysgolion uwchradd yn y sir. Nodwyd y byddai cyflwyniad KS yn cael ei ddosbarthu i'r partneriaid er gwybodaeth.

LR

Yn dilyn trafodaeth fer, cymeradwywyd cynllun y prosiect gan bartneriaid y Bwrdd Gwasanaethau Cyhoeddus. Cytunwyd hefyd i gynnal cyfarfod i ystyried argymhellion y Panel Adolygu Annibynnol, ymchwil y bwrdd gwaith a Siarter Cyngor Sir Penfro. Byddai CG yn trefnu'r cyfarfod hwn, a fyddai'n cynnwys cynrychiolwyr o Leisiau Sir Benfro dros Gydraddoldeb, Ieuenctid Sir Benfro a Fforwm Arfordir Sir Benfro, a hynny ar y cyd â'r Cyng. Ken Rowlands. Cymeradwywyd argymhelliad ychwanegol i SL gwrdd â'r rheiny sy'n gyfrifol am raglenni gwirfoddoli Sefydliadau'r Bwrdd Gwasanaethau Cyhoeddus.

CG

SL

9. Unrhyw Fater Arall

Gofynnodd SL i'r partneriaid ymdrechu i hyrwyddo'r wobr Balchder yn Sir Benfro yn fwy, a hynny trwy eu sefydliadau a'u rhwydweithiau eu hunain, gan nad oedd yna lawer o enwebiadau wedi dod i law ar y pryd.

Cyfeiriodd NP at Oregon's Kitchen Table fel enghraifft o weithio gyda chymunedau y gallai'r partneriaid ei hystyried, a chytunodd i rannu'r gwaith ymchwil hwn â'r partneriaid.

NP/LR

Nododd JF y byddai digwyddiad o'r enw 'Putting Ability First' yn cael ei gynnal yn Archifdy Sir Benfro ar 9 Tachwedd, sef cynllun wedi'i anelu at gyflogwyr a oedd yn seiliedig ar anabledd a chyflogaeth.

Dywedodd TJ wrth y partneriaid fod gan yr Awdurdod Parc Cenedlaethol ofyniad i lunio Cynllun Rheoli'r Parc Cenedlaethol bob pum mlynedd, a'i bod yn ofynnol i gyrff cyhoeddus ystyried hyn yn rhan o'u gwaith, er nad oedd yna restr ddiffiniedig o'r gyrff cyhoeddus yr oedd y gofyniad hwn yn berthnasol iddynt. Nododd fod y gwaith o ymgysylltu â chyrff cyhoeddus wedi bod yn ysbeidiol yn y gorffennol, a dywedodd ei fod yn gobeithio gwella hynny trwy sefydlu grŵp cyfeirio rhanddeiliaid, y byddai'r partneriaid yn cael eu gwahodd i fod yn rhan ohono.

Nododd JM y byddai digwyddiad yn ymwneud â'r economi gylchol yn cael ei gynnal ar 17 Hydref yn y Cwt Gwyrdd, Hwlfordd.

Daeth y cyfarfod i ben am 12.10pm.